

ՀԱՅԱՍՏԱՆԸ ԽՈՐՀՐԴԱՔԵՄԱՆԱԿԱՆ ՀԱՐԱՐՆԵՐՈՒԹՅՈՒՆՆԵՐԻ
ՈՒՐՈՏՈՒՄ 1920 ԹՎԱԿԱՆԻՆ

Կ. Ն. ԽԱՉԱՏՐՅԱՆ

1920 թ. գարնանը մաքրելով Հյուսիսային Կովկասը սպիտակզավար-դականներից, խորհրդային Ռուսաստանի Կարմիր բանակն ընդհուպ մո-տենում է Անդրկովկասի սահմաններին: Անդրկովկասյան հանրապետու-թյուններից առաջինը խորհրդայնացվում է Ադրբեջանը (ապրիլի 28-ին),¹ իրան մեծապես նպաստել էր Անկարայում ձևավորված Թուրքիայի Ազգա-յին կառավարությունը՝ Մուստաֆա Քեմալ փաշայի գլխավորությամբ: Վեր-ջինս 1920 թ. ապրիլի 26-ին նամակով դիմեց խորհրդային Ռուսաստանի ժողովրդական կոմիսարների խորհրդի նախագահ Վ. Ի. Լենինին, նամա-կում շարադրված էին քեմալականների արտաքին քաղաքականության որոշ դրույթներ, առաջարկվում էր հաստատել դիվանագիտական սերտ հարա-բերություններ և ռազմական դաշինք կնքել ընդդեմ իմպերիալիզմի: Նշվում էր, որ անհրաժեշտության դեպքում Թուրքիան պատրաստ է ռազմական գործողություններ սկսել Ռեմպիալիստական Հայաստանի դեմ²: Նամա-կը Թուրքիայի նորընտիր Ազգային կառավարության առաջին արտաքին քաղաքական ակտն էր:

Իրենց «անկեղծ» մտադրություններն ապացուցելու համար քեմալա-կանները նպաստեցին Ադրբեջանի խորհրդայնացմանը: Սա ընդունում էին նաև խորհրդային իշխանությունները: 1920 թ. մայիսի 4-ին Կովկասյան ռազմաճակատի Ռազմահեղափոխական խորհրդի անդամներ Ս. Կիրովը և Գրիգորի (Սեբգո) Օրջոնիկիձեն զեկուցում էին Վ. Լենինին. «Բաքվում հե-ղափոխության օգտին բավականին ակտիվ դեր խաղացին թուրք ասկյար-ները և սպաները...»³: Ավելի միանշանակ նշվում էր Ռուսաստանի արտա-քին գործերի ժողովրդական կոմիսարատի 1919—1920 թթ. տարեկան հաշ-վետվության մեջ. «Քեմալականները մեզ հետ կապերի մեջ մտան Ադրբե-ջանի միջոցով, որտեղ նրանց համախոհների խումբն օժանդակել էր հե-ղաշրջմանը և այն բանին, որպեսզի ադրբեջանական հեղափոխական կառա-վարությունը հրավիրեր Կարմիր զորքերին»⁴:

Այսպիսով, քեմալաբուլվակյան համագործակցության առաջին թույլ հարվածն իր վրա ընդունեց Ադրբեջանը: Հռչակվելով խորհրդային, այն Մոսկվայի կողմից հայտարարվեց Արևելքում «հեղափոխության առաջա-դիրք», որտեղից բուլշևիկները պետք է գորոհեին մենշևիկների և դաշնակ-ցականների ազգային բուրժուական հակահեղափոխական կառավարու-թյունները⁵: Եվ իրոք, դժվար չէր կռահել, որ «Ադրբեջանում հաստատվե-լուց հետո, բուլշևիկներն հետևյալ քայլը պիտի լիներ՝ մտնել նաև Վրաստան ու Հայաստան: Ժամանակի խնդիր էր սա»⁶:

Ամրապնդվելով Ադրբեջանում, խորհրդային իշխանությունները ձեռնա-մուխ եղան նաև Թուրքիայի հետ անմիջական հաղորդակցության կապ

¹ Документы внешней политики СССР, т. II, М., 1958, с. 725—726.

² См. А. Н. Хейфец. Влияние СССР на угнетенные народы Востока (Великий Октябрь и народы Востока), М., 1957, с. 56.

³ Հայաստանը միջազգային դիվանագիտության և սովետական արտաքին քաղաքակա-նության փաստաթղթերում (1828—1923), Ե., 1972, էջ 478:

⁴ Г. К. Орджоникидзе. Избранные статьи, М., 1957, с. 56.

⁵ Հ. Քաջաղենի, Հ. Յ. Դաշնակցությունը անկիթ շունի լուսն, Ե., 1994, էջ 35:

ստեղծելու գործին: Այն պետք է հաստատվեր Հայաստանի վրայով: Ըստ բողոքների՝ Ղարաբաղ-Ջանգեղուր-Նախիջևան շղթան դառնալու էր մի մայրուղի, որով համաշխարհային հեղափոխության գաղափարները, Կարմիր բանակի սվինների վրա, պետք է տարածվեին դեպի «նորհից արթնացող Արևելք»:

Ելնելով նրանից, որ հայկական այդ տարածքների վրա մեծ հավակնություն ունեւր Ադրբեջանը, 11-րդ Կարմիր բանակի ղեկավարությունը, հենվելով նրա «արդար պահանջների վրա», վերջնադրեր է ներկայացնում Հայաստանի կառավարությանը՝ Ղարաբաղից և Ջանգեղուրից հայկական զորամիավորումները հեռացնելու պահանջով, սպառնալով հակառակ դեպքում դրանք գրավելու ուժով: Այդ մասին է նշվում Կովկասյան ռազմաճակատի և 11-րդ բանակի Ռազմահեղափոխական խորհուրդներին (Օրջոնիկիձե, Կիրով, Մեխոնոշին, Լեանդովսկի) 1920 թ. մայիսի 1-ին Բաքվից ուղարկած վերջնադրում⁶: «Իրա հետ միաժամանակ մի շարք բոլշևիկ ղեկավար գործիչներ (Օրջոնիկիձե, Նարիմանով, Մդիվանի և այլք) Մոսկվայից պահանջում են Վրաստանը և Հայաստանը անմիջապես ռազմական ուժով խորհրդայնացնելու թույլտվություն: Այս հարցի վերաբերյալ Ուկր(բ) Կենտկոմի քաղքյուրոյի մայիսի 25-ի որոշման մեջ նշվում էր. «Շարունակել բանակցությունները Հայաստանի կառավարության հետ, մեղ վրա չվերցնելով ռուսական զորքերի օգնությամբ անմիջական խորհրդայնացման նախաձեռնությունը»⁷: Բայց սա բնավ չէր վերաբերում Ղարաբաղ-Ջանգեղուր-Նախիջևան դժին, 1920 թ. ամռանը խորհրդային զորքերը մտնում են հայկական այդ տարածքները: Հայաստանը փաստորեն ներքաշվում է չհայտարարված պատերազմի մեջ խորհրդային Ռուսաստանի և Ադրբեջանի հետ: Նման իրավիճակ էր հասունանում նաև Թուրքիայի հետ, որն իր ներխուժման սպառնալիքի տակ էր պահում Հայաստանի արևմտյան սահմանները:

1920 թ. մայիսի վերջին Մոսկվայում բանակցություններ են սկսվում խորհրդային Ռուսաստանի և Հայաստանի միջև: խորհրդային պատվիրակությունը, հանձնելու Ռուսաստանի կառավարության արտաքին գործերի ժողովում Գ. Ձիչերինի և նրա տեղակալ հայադղի Լ. Կաբախանի, պատրաստակամություն է հայտնում կնքել պայմանագիր և բարեկամական ամուր հարաբերություններ հաստատել երկու ժողովուրդների միջև: Իր հերթին հայկական պատվիրակությունը, Լ. Շանթի ղեկավարությամբ, ընդգծում էր Ռուսաստանի կողմից Հայաստանի անկախությունը ճանաչելու անհրաժեշտությունը, դնում էր նրա ներքին գործերին չմիջամտելու և ալ պահանջներ:

Ռուս-հայկական բանակցությունների վրա բացասական ազդեցություն էին գործում Բաքվից և Թուրքիայից, չէ՞ որ որոշվում էր Ղարաբաղի, Ջանգեղուրի, Նախիջևանի հարցը: Ինչպես Լ. Շանթն էր հաղորդում Հայաստանի կառավարությանը 1920 թ. հուլիսի 1-ին, բանակցությունների դժվարությունը կապված էր հայ-ադրբեջանական սահմանի որոշման հարցի հետ⁸: Բանակցությունների ընթացքում Բաքվի վարած քաղաքականության մասին տեղեկանում ենք Ադրբեջանում Հայաստանի դիվանագիտական ներկայացուցիչ Մ. Հարությունյանի 1920 թ. հուլիսի 31-ի զեկուցումից Հայաստանի արտգործնախարարին. «Ադրբեջանի ներկայիս քաղաքականության զխավոր ուղղորդությունն ուղղված է այն թույլ և հեռավոր հնարավորության վրա, որ հայ-ռուսական բանակցությունների արդյունքում Ջանգեղուրը և Ղարաբաղը կարող են անցնել Հայաստանին: Այդ պատճառով ոտքի են հանվում ամբողջ հեղկոմը, թաթար ակտիվիստները, հայ կոմունիստները մեծ

⁶ Հայաստանի Հանրապետության Պետական կենտրոնական պատվության արխիվ (այսուհետև՝ ՀՀ ՊԿՊԱ), ֆ. 200, ց. 1, դ. 427, թ. 274:

⁷ Հայոց պատմություն, Ե., 1993, էջ 142:

⁸ Нагорный Карабах в 1918—1923 гг., Е., 1992, с. 519.

մասը, որոնք զնդակոծում են Մոսկվայի հատուկ պատվիրակություններով, հայտագրերով և այլն: Այս դիվանագիտությունն էլ ստիպեց արագացնել Զանգեզուրի գրավումը⁹:

1920 թ. հունիսի վերջերին Ռեյ(բ)Կ Կենտկոմի քաղքյուրո ուղղված իր զեկուցագրում Բալվի վարած քաղաքականության մասին վրդովմունքով արտահայտվում էր նաև Գ. Զիշերինը. «Բաթվի ընկերներն իրենց գործողություններով իսպախում են փոխզիջումները, մերժում են Կենտկոմի պահանջած Հայաստանի հետ համաձայնության կնքումը»: Սակայն, նա միաժամանակ ավելացնում է, որ «մենք պետք է, վերջապես, արագացնենք մեր ծրագրերի իրականացումը Թուրքիայում: Այսպես հապաղել և ձգձգել դեռ չենք, ինչպես մեզ է ենք ձգձգում, չի կարելի»¹⁰:

Ռուս-հայկական բանակցությունների ձախողմանը դուգրնթաց ակտիվանում էին խորհրդաքեմալական շփումները: Խուրթիայի Ազգային մեծ ժողովի նախագահ Ս. Քեմալի ապրիլի 26-ի նամակին հաջորդում է Գ. Զիշերինի 1920 թ. հունիսի 3-ի պատասխան նամակը, որտեղ խորհրդային կողմը, ողջունելով քեմալականներին՝ Ռուսաստանի հետ բարիդրացիական հարաբերություններ հաստատելու առաջարկությունը, նշում է, որ Թուրքիայի և Հայաստանի միջև պետք է հաստատել այնպիսի ճշտորոշ սահմանագծեր, որպիսիք պահանջում են արդարությունը և ժողովուրդների ինքնորոշման իրավունքը¹¹: Ի պատասխան հաջորդում են Մ. Քեմալի և Ազգային կառավարության արտգործնախարար Բեքիր Սամի բեյի նամակները, բրոնցում նշվում է, որ Թուրքական Ազգային կառավարությունը «ընդունում է Ռուսական խորհրդային Հանրապետության միջնորդությունը և հասանելի ուղղմանը դործողությունները Կարսի, Արդահանի և Բաթումի շրջանում»¹² և Ազգային Մեծ ժողովի որոշումով պատվիրակություն է ուղարկում Մոսկվա՝ բանակցություններ վարելու համար¹³:

Խորհրդաքեմալական բանակցությունները սկզբնական շրջանում նույնպես անարդյունք էին, Թուրքերի՝ Հայաստանի վրայով Ռուսաստանի հետ հաղորդակցության կապ հաստատելու պահանջին, խորհրդային պատվիրակությունը, հանձնեց Գ. Զիշերինի և Լ. Կարախանի, դնում էր Վանը, Բիթլիսը, Մուշը Հայաստանին վերադարձնելու հարցը: Սակայն նման իրավիճակը երկար ձգձգվել չէր կարող. Խորհրդային Ռուսաստանի ղեկավարությունը պետք է կոչվեր որոշվեր, վերջապես ընտրություն կատարեր «միակերպության» Հայաստանի և խորհրդային Ադրբեջանի ու հեղափոխական Թուրքիայի միջև: Իրադարձությունների հետագա զարգացումը ցույց տվեց, որ այդ ընտրությունը հագուտ վերջինների էր:

Հայաստանի հետ տարածքային վեճերում Ադրբեջանին և Թուրքիային պաշտպանելու պահանջներով էին հանդես գալիս Ռեյ(բ)Կ Կոմկասյան բյուրոն և 11-րդ Լարմիր բանակի Ռադմահեղափոխական խորհրդի առանձին անդամներ: Ադրբեջանի Կոմկուսի Կենտկոմի հետ համատեղ 1920 թ. հունիսի 10-ին Մոսկվա (Ռեյ(բ)Կ Կենտկոմ) ուղարկած նրանց նամակում պահանջվում էր Ղարաբաղը և Զանգեզուրը հանձնել Ադրբեջանին: Դա հիմնավորվում էր Նիսիեի, որ հակառակ դեպքում Վերսալիանի հեղափոխության զարգացումը Թուրքիայում¹⁴:

Այնի վաղ, հունիսի 8-ին, Ռուսաստանի ազգությունների գործերի ժողովում Լ. Ստալինը հեռագրում է Օրջոնիկիձեին. «Իմ կարծիքն այն է, որ չի կարելի անվերջ լարաբաղացություն անել կողմերի միջև, պետք է պաշտպանել կողմերից մեկին, որոշակիորեն, ներկա դեպքում (խոսքը Ղարա-

⁹ Նույն տեղում, էջ 557:

¹⁰ Նույն տեղում, էջ 509:

¹¹ Հայաստանը միջազգային դիվանագիտության... փաստաթղթերում, էջ 447—448:

¹² Տե՛ս Բանբեր Հայաստանի արխիվներ, Ե., 1982, № 3, էջ 163:

¹³ Հայաստանը միջազգային դիվանագիտության... փաստաթղթերում, էջ 449:

¹⁴ Нагорный Карабах в 1918—1923 гг., с. 529—531.

րադի մասին է—Կ. Խ.), իհարկե, Ադրբեջանին, Թուրքիայի հետ միասին՝ նա խոսել էմ լենինի հետ, նա չի առարկում¹⁵, Այսքանից միանգամայն պարզ է, թե ինչու է իր մեղմ դիրքորոշումը Հայաստանի վերաբերյալ կրտուկ փոխում նաև Ռուսաստանի Սոցիալիստական Ֆեդերատիվ Խորհրդային Հանրապետության (ՌՍՖՍՀ) կառավարության արտգործոժողկոմ Գ. Չիչերինը, Խորհրդային ազդեցիկ ղեկավար գործիչներից թերևս միակը, որ զսպում էր Հայաստանի հանդեպ Թուրքիայի, Ադրբեջանի և բոլշևիկյան մի շարք գործիչների «հարձակողական քաղաքականությունը» 1920 թ. հունիսի 30-ին ՌԿ(Բ)Կ Կենտկոմի քաղքյուրո ուղղված «Հատկապես գաղտնի» զեկուցագրում Չիչերինը նշում է. «Անհրաժեշտ է օգտվել ընկ. Սերգոյի (Օրջոնիկիձեի—Կ. Խ.) ներկայությունից, որպեսզի լուծվի Հայաստանի հարցը՝ կապված քեմալականների դրությունից հետո վերջիններիս սպառնալիցության անբավարարության պատճառով մոտ են վախճանի... նրանց սպառնալիքները հնարավոր է ուղարկել միայն տրանզիտով Հայաստանի վրայով... Հիմա հայերը խփում են թուրքերին և խիստ լկտիացել են»:

...Ընկ. Սերգոյի խոսքերով՝ փորձել դաշնակներից ստանալ Հայաստանի վրայով տրանզիտի իրավունք առանց որևէ վերահսկողության, ներկայումս անհնար է Ընկ. Սերգոյն պնդում է, որ Հայաստանի խորհրդայնացման համար պահանջվում է ոչ այդքան շատ զորք։ ...Այդ դեպքում Հայաստանի խորհրդայնացումը հույժ անհրաժեշտ է։ Առանց դրա մենք չունենք իսկական շփում Թուրքիայի հետ և քեմալականների վախճանը մեղ ուժգին հարված կհասցնեն Արևելքում»։ Հաջորդ օրը, 1920 թ. հունիսի 31-ին, ՌԿ(Բ)Կ Կենտկոմի քաղքյուրոն քննարկում է Հայաստանի վերաբերյալ Գ. Չիչերինի այս առաջարկությունը և որոշում ընդունել այն¹⁶։

Այսպիսով, Ռուսաստանի բոլշևիկյան իշխանությունները հաստատում են «Հայաստանի խորհրդայնացման հույժ անհրաժեշտությունը», կարևորելով այն Ռուսաստանի և քեմալական Թուրքիայի միջև «իսկական շրփում» հաստատելու անհրաժեշտությունը։

1920 թ. օգոստոսին Թիֆլիսում վերսկսած ռուս-հայկական բանակցություններն ավարտվում են ՌՍՖՍՀ կառավարության և Հայաստանի միջև օգոստոսի 10-ին ստորագրած համաձայնագրով, թեև նրանով Ռուսաստանը ճանաչում էր Հայաստանի «անկախությունը և լիակատար ինքնուրույնությունը», սակայն խորհրդային իշխանությունները համաձայնագիրն առավել կարևորում էին նրանով, որ իրավաբանորեն հաստատվում էր խորհրդային զորքերի կողմից Ղարաբաղի, Ջանգեզուրի և Նախիջևանի գինազրավումը, թեև՝ «ժամանակավորապես»¹⁷, Եթե Խորհրդային Ռուսաստանը Թիֆլիսի համաձայնագիրը դիտում էր որպես հակազդեցություն նույն օրը Սերում կնքված հաշտության պայմանագրին, հասկացնելով, որ տարածաշրջանում հարցերը լուծելու է ոչ թե «միջազգային իմպերիալիզմը», այլ հենց ինքը, ապա Հայաստանի իշխանություններն այն ընդունում էին որպես «ժամանակավոր» համաձայնություն՝ իրենց հույսերը լիովին կապելով հենց Սերի պայմանագրի հետ, համոզված լինելով, որ այն իրականանալու է անբյուրեղյան հզոր պետությունների ջանքերով։ Եվ դա հասկանալի էր, չէ՞ որ Սերի պայմանագիրն սվելի «ժամանակշիռ» էր, քան հայ-ռուսական համաձայնագիրը, չէ՞ որ նրանով «Անտանտը հայերին դնում էր այնպիսի մի բարձրության վրա, ուր նրանք երբեք չէին եղել»¹⁸։

¹⁵ Նույն տեղում, էջ 524։

¹⁶ Հայաստանի Հանրապետության հասարակական քաղաքական կադավերայությունների փաստաթղթերի կենտրոնական պետական արխիվ (այսուհետև՝ ՀՀ ԶԶԿԿ ԿՊԱ), միկրոֆիլմերի հավաքածու № 1, ք. 2, թթ. 74—75։

¹⁷ Нагорный Карабах в 1918—1923 гг., с. 574—575.

¹⁸ Լ. Է. Ռ. Անցյալից, Թիֆլիս, 1925, էջ 472։

Եվ հենց դրանով էր պայմանավորված, որ Աւետանտի երկրներում, պրոթորքական և հակահայկական ճամբարներում իրարանցում առաջացրած խորհրդահայկական Թիֆլիսի համաձայնագիրը Հայաստանի իշխանությունները որակում էին «ձեռնարկ»՝ վստահեցնելով Արևմուտքին, որ իրենք «շարունակում են մնալ հակա-բոլշևիկ»¹⁹:

Իրավացի էր Հովհ. Քաջաղենյանին, խոստովանելով, որ «Սերի դաշնագիրը շլացրել էր բոլորիս աչքերը, կաշկանդել միտքը, մթնացրել էր իրականության գիտակցությունը»²⁰: Իսկ իրապես, անգամ Ֆրանսիայի նախագահ Պոլանկարեն խորհուրդ էր տալիս «շղթայել» Սերի պայմանագրին. որովհետև այն «փխրուն առարկա է, գուցե ջարդված ծաղկաման»²¹: Սակայն Հայաստանի իշխանություններն այդ գառն իրականությունը չէին ցանկանում ըմբռնել, մեղավոր հավատարիմ իրենց արևմտյան դաշնակիցներին, մինչդեռ 1920 թ. ամռանն Ադրբեջանի բոլշևիկները և ազգայնական գործիչները (Հաջինսկի և այլք) Մոսկվայում գտնվող խորհրդական պատվիրակության հետ վարում էին վաղօրոք մշակված խոստ հակահայկական քաղաքականություն, Հայաստանին մեղադրելով իմպերիալիզմի դաշնակից լինելու մեջ և խորհրդային կառավարությանը դրդելով համառոտ պայքարի նրա դեմ:

Թիֆլիսի՝ օգոստոսի 10-ի համաձայնագրից և Սերի պայմանագրից հետո նրանց դրդումներն ավելի են սաստկանում: 1920 թ. օգոստոսի 14-ին Բեքիր Սամի բեյի գլխավորած թուրքական պատվիրակությունը Մոսկվայում հանդիպում է Վ. Լենինի հետ, բողոքում Թիֆլիսի համաձայնագրով նախընտան-Շահթաթ երկաթուղին Հայաստանին տալու դեմ, նշելով, որ դա է Ռուսաստանը և Թուրքիան իրար կապող «միակ ճանապարհը», առանց որի Թուրքիան կուլ կգնա Արևմուտքին, շտախտելով Ռուսաստանի օգնությունը: Խորհրդային կառավարությունից թուրքերը պահանջում են համաձայնություն տալ, «գոնե բանավոր», «Շահթաթ-Սարիղամիշ հիւն՝ իրենց կողմից գրավելու՝ բանակների միջև անմիջական շփում հաստատելու համար: Խորհրդային կառավարության արտոքոթոդկոմ Գ. Չիչերինը, խորհրդակցելով հարցի մասին Գ. Օրջոնիկիձեի հետ, տալիս է դրական պատասխան, պայմանով, որ թուրքերը շանցենե այդ գիծը»²²: Նման որոշմանը կողմ է արտահայտվում նաև Վրաստանում ՈՍՏԽՀ լիազոր ներկայացուցիչ Ս. Կիրովը, օգոստոսի 23-ին Չիչերինին ուղղած իր նամակում²³:

Թուրքական կողմի այդ նկրտումներն իրենց ձեռնարկումներն են ստանում օգոստոսի 24-ին Մոսկվայում նախաստորագրված ռուս-թուրքական «սրտագին և անկեղծ բարեկամության» պայմանագրում, որի տարբերակներից մեկի համաձայն կողմերը պարտավորվում են «փոխադարձ համաձայնությամբ կարճ ժամանակում ձեռնարկել բոլոր անհրաժեշտ միջոցները Ռուսաստանի և Թուրքիայի միջև հաղորդակցության ճանապարհները բացելու համար»²⁴:

Հայ ժողովրդի կենսական շահերի դեմ էին ուղղված նաև 1920 թ. սեպտեմբերի 1—8-ը Կոմիտեի գործկոմի կողմից Բաքվում հրավիրած, Արևելքի ժողովուրդների Առաջին համագումարի ընդունած որոշումները: Հայաստանը ներկայացվում է որպես «միջազգային իմպերիալիզմի դաշնակից պետություն» և կոչ է արվում «սրբազան պատերազմով» ելնել նրա

19 Տե՛ս Բանբեր Հայաստանի արխիվների, Ե., 1967, № 3, էջ 51—56:

20 Հ. Քաջաղենյանի, նշվ. աշխ., էջ 33:

21 Севр и Лозанна, Севрский мирный договор и акты, подписанные в Лозанне, М., 1927, с. 18.

22 Армянский вопрос. Энциклопедия, Е., 1991, с. 231—232.

23 Տե՛ս А. Н. Хейфец, Советская Россия и сопредельные страны Востока в годы гражданской войны (1918—1920), М., 1964, с. 131.

24 Армянский вопрос. Энциклопедия, с. 232.

դեմ²⁶, Համադումարին՝ մասնակցող հայ կոմունիստ պատվիրակները հանդես էին դալիս խորհրդային հանրապետությունների օգնությամբ Հայաստանը խորհրդայնացնելու կոչերով, նշելով, որ դա է «փրկության միակ ուղին», աբապես Հայաստանը կդառնա «հեղափոխական Արևելքի վրա իմպերիալիստական Արևմուտքի հարձակման բազա», ինչը «կխայտառակի մեզ ամբողջ աշխարհի հեղափոխության առջև»²⁸:

Համագումարին՝ ընտրված Քարոզչության և գործողության խորհրդի նախագահությունը սեպտեմբերի 18-ին հավանություն է տալիս խորհրդի՝ սեպտեմբերի 17-ին ներկայացրած «Մերձավոր Արևելքի քաղաքական ներկա պահի մասին» զեկուցագրին՝ մշակած հանրահայտ թրջամով Ա. Սկալկոյի կողմից: Նրանում խիստ քննադատվում է 1920 թ. օգոստոսի 10-ի հայ-ուսական համաձայնագիրը, այն դիտվում է որպես Ռուսաստանի «թուլություն» նշան, որը կարող էր մեծ հարված հասցնել թուրք ազգայնական (քեմալական—Կ. Խ.) շարժմանը և խափանել Արևելքում համաշխարհային հեղափոխության զարգացումը: Սրանից խուսափելու համար առաջարկվում է օգնել քեմալականներին և նրանց միջոցով լուծել Հայաստանի խորհրդայնացման հարցը: Ըստ այդ ծրագրի Ռուսաստանից պահանջվում էր «հաճվոր աղմուկ բարձրացնել Եվրոպայում» և «նոր հայ-թուրքական կոտորածները» կանխելու անհրաժեշտությունից ելնելով, որպես փրկարար ու հաշտարար մտնել Հայաստան և այնտեղ հաստատելով խորհրդային վարակարգ, փրկել հայ ժողովրդին: Այս ստոր փաստաթուղթը, որպես խորհրդի նախագահության «եզրակացություն», սեպտեմբերի 19-ին ուղարկվում է Կոմիտեի գործկոմի նախագահություն և ՌԿ(բ)Կ Կենտկոմ, պատճենը՝ խորհրդային Ռուսաստանի արտգործոցնախարարին²⁷: Սրանից ընդամենը մի քանի օր անց քեմալական զորքերը ներխուժում են Հայաստան՝ չհայտարարված պատերազմ սկսելով նրա հետ, իսկ 1920 թ. սեպտեմբերի 29-ին ՌԿ(բ)Կ Կենտկոմի պլենումը որոշում է «փողով և զենքով փաստացի օգնություն ցույց տալ քեմալականներին»²⁸: Միայն 1920 թ. սեպտեմբերի ընթացքում էրզրումում թուրքական կառավարության և ռազմական հրամանատարության ներկայացուցիչներին խորհրդային Ռուսաստանի իշխանությունները փոխանցում են 200,6 կգ ոսկի²⁹:

1920 թ. նոյեմբերի վերջերին Մոսկվա՝ Գ. Զիչերինին (պատճենը՝ Վ. Լենինին) Ի. Ստալինի հղած հեռագրում, որտեղ նշվում է Վրաստանի հնարավոր խորհրդայնացման մասին, միանշանակ ընդգծված է, որ «տարբերակներից լավագույնը Թուրքիայի հաջող պատերազմն է Վրաստանի հետ, ինչը Ռուսաստանին հնարավորություն կտա միջամտել միջնորդի և փրկարարի կենցվածքով»³⁰: Պարզ է, որ այդ «տարբերակը» լավագույնն էր ընտրվել խորհրդային ղեկավարության կողմից նաև Հայաստանի վերաբերյալ: Եթե չլինեք նրանց նյութական օգնությունը և բարոյական աջակցությունը, քեմալականները չէին համարձակվի պատերազմել Հայաստանի հետ, ինչպես չհամարձակվեցին 1920 թ. ամռանը՝ նրա նվաճման հարցը կապելով ժողովրդական կառավարության և Թուրքիայի ընդհանուր փոխհարաբերությունների հետ»³¹:

²⁵ Первый съезд народов Востока (Стенографический отчет). Баку, 1920.

²⁶ Հոկտեմբերյան Սոցիալիստական Մեծ ռեվոլյուցիան և սովետական իշխանության հաղթանակը Հայաստանում, Ե., 1960, էջ 371, 377.

²⁷ Հայաստանի Հանրապետության Նորագույն պատմության կենտրոնական պետական արխիվ (արխիվում՝ ՀՀ ՆՊ ԿՊԱ), ֆ. 113, ց. 3, դ. 7, թ. 1—3.

²⁸ ՀՀ ԶԲԿ ԿՊԱ, հավաքածու № 1, գ. 2, թ. 106.

²⁹ Документы внешней политики СССР, т. III, М., 1959, с. 675.

³⁰ ՀՀ ԶԲԿ ԿՊԱ, հավաքածու № 1, գ. 2, թ. 142.

³¹ ՏՎ՝ Ս. Պ. Աղաջյան, Հոկտեմբերը և հայ ժողովրդի ազատագրական պայքարը, Ե., 1982, էջ 321.

Պատերազմում Թուրքիայի նպատակն էր «ունչացնել հայկական բանակն ու հայկական պետությունը»³², 1920 թ. սեպտեմբերի 14-ի թվակիր նամակում Արևմտյան ռազմաճակատի հրամանատար Ալի Ֆուադ Զեքե-սոյին Մ. Քեմալը հայտնում էր նաև, որ «Հարկավոր է շփոթարվել նաև Ադրբեջանը Թուրքիային միացնելու մտքից»³³:

Թեև խորհրդային Ռուսաստանի բոլշևիկյան իշխանությունները աջակցում էին քեմալականներին, սակայն այլ կերպ էին վերաբերվում թուրքական հարձակմանը Հայաստանի վրա: Հայաստանի հանրապետությունում ՌԱՖԽՀ կառավարության լիազոր ներկայացուցիչ Բորիս Լեգրանը 1920 թ. հոկտեմբերի 5-ին հղած հեռագրում արտգործոցի դիմելու անհրաժեշտություն էր, որ քանի դեռ թուրքերը Շահախթ-Սարիղամիշ գծի վրա են, հոգ չէ անհանգստանալ, բայց միևնույն ժամանակ «մենք չենք կարող թույլ տալ նրան (Հայաստանը—Կ. խ.) ճգմելու»³⁴:

1920 թ. հոկտեմբերի 14-ին ՌԿ(Բ)Կ Կենտկոմի քաղբյուրոն որոշում է հաստատել Գ. Չիլերինի առաջարկությունները Հայաստանի վերաբերյալ: Դրանք էին. 1) Համաձայնել Հայաստանում խորհրդային իշխանություն հաստատելու համար վճռական գործողությունների դիմելու անհրաժեշտության մասին Հայաստանի ԿԿ Կենտկոմի և ՌԿ(Բ)Կ Կենտկոմի Կովկասյան բյուրոյի կարծիքի հետ, 2) նրան քաղաքական օգնություն ցույց տալ թուրքերի առաջխաղացումը կասեցնելու համար և 3) պաշտպանել նոր, խորհրդային կառավարությունը³⁵: Իսկ այս որոշումից երկու շաբաթ անց, հոկտեմբերի 28-ին, Երևանում Հայաստանի և Ռուսաստանի հաշտության պատվիրակությունների ստորագրած «Եզրափակիչ որոշման արձանագրությունը» և նրան կից «Հաշտության պայմանագրի» նախագիծը մնացին թղթի վրա, որովհետև հակասում էին 1920 թ. հոկտեմբերի 14-ի քաղբյուրոյի նշված որոշումին: Դեպքերի 16-ին Մոսկվա ուղարկած հեռագրում Ստալինը նշում է, որ հոկտեմբերի 28-ի պայմանագրի նախագծի մասին «ավելորդ է խոսել, որովհետև այն ետ է մնացել իրադարձություններից այնպես, ինչպես ետ է մնացել տրանզիտի պահանջը (Հայաստանի վրայով—Կ. խ.)»³⁶: 1920 թ. նոյեմբերի 4-ին Բաբելում կայացած (ՌԿ(Բ)Կ Կենտկոմի Կովկասյան բյուրոյի և Ադրբեջանի Կոմկուսի Կենտկոմի քաղբյուրոյի համատեղ նիստում, Ստալինի մասնակցությամբ, որոշվել էր մերժել պայմանագրի նախագիծը:

Այո՛, պայմանագիրն իրավացիորեն «ետ էր մնացել իրադարձություններից»։ մինչև Բ. Լեգրանը պայմանագրի նախագիծը հասցնելու էր Բաքու՝ ստանալու Ատալինի և Բաբելի «օրհնանքը», թուրքական բանակը հոկտեմբերի 30-ին արդեն գրավել էր Կարսը, իսկ նոյեմբերի 7-ին՝ Ալեքսանդրապոլը (Գյումրին):

1920 թ. նոյեմբերի 6-ին հաղորդելով Հայաստանում տիրող դրության մասին Մոսկվա, Ստալինը նշում է. «Եթե ընկնի Ալեքսանդրապոլը, չի բացառվում դաշնականների կողմից Ադրբեջանի պես իշխանությունը մեզ փոխանցելու հնարավորությունը»³⁷: Նույն օրը Չիլերինը նրան հեռագրում է. «Անհրաժեշտ է փրկել Հայաստանը նրա խորհրդայնացման գնով», որովհետև եթե այնտեղ գոնե մեկ ռուս զինվոր լինի, թուրքերն առաջ չեն շարժվի³⁸, իսկ նման վտանգն, իրոք, չէր բացառվում: 1920 թ. նոյեմբերի 8-ին, երբ թուրքական զորքերն արդեն գտնվում էին Ալեքսանդրապոլում, Թուր-

³² М. Кемаль, Путь новой Турции, т. III, М., 1932, с. 102.

³³ A. F. Sebesoy. Milli mücadele hatıraları. İstanbul, 1933, s. 139—140.

³⁴ Տե՛ս Մ. Արդունյան, Արհավիրքից վերածնունդ, Ե., 1973, էջ 333:

³⁵ Հայաստանը միջազգային դիվանագիտության... վաստաթղթերում, էջ 456:

³⁶ ՀՀ ՀՔԿՓ ԿԳԱ, հավաքածու № 1, գ. 2, թ. 139:

³⁷ Նույն տեղում, թ. 135:

³⁸ Տե՛ս Գ. Գալոյան, Պատմության քառուղիներում, Ե., 1982, էջ 346—347:

քիայի արտդրոժնախարար Ահմեդ Մուխտար փաշան հետևյալ դիմումն է հղում արևելյան ռազմաճակատի հրամանատար Կարարբեքի փաշային. «Հայաստանը գտնվում է խիստ լայնատարած մուսուլմանական մի հողատարածքի վրա, հետևաբար, անհրաժեշտ է նրան ինչպես քաղաքականապես, այնպես էլ փաստականորեն ոչնչացնել: Հարկ է հաշվի առնել, որ քաղաքական ընդհանուր իրադրությունն ու մեր հզորությունը բարենպաստ են այդ մտադրությունն իրականացնելու համար»³⁹:

1920 թ. նոյեմբերի 11-ին Ռուսաստանը ստանձնում է միջնորդությունը պատերազմող կողմերի միջև⁴⁰, նույն օրը Լոնդոն՝ Ռուսաստանի առևտրական ներկայացուցիչ Լ. Կրասինին հաղորդած ռազմահեռագրում Գ. Զիլբերինը նշում է. «Թուրք ազգայնականների վերջին հաջողություններից հետո Հայաստանի դրոժությունը շատ տագնապալից է, և Ռուսաստանի միջնորդությունը հենց ժամանակին է»⁴¹:

Միջնորդությունն իրականացնելու համար խորհրդային կառավարությունը Հայաստան է ուղարկում իր յիստոր ներկայացուցիչ Պ. Մղիվանուն (Բուդու), Վերջինս և Բ. Լեգրանը նոյեմբերի 19-ի Երևանում հանդիպում են Հայաստանի նախարարապետ Հ. Օհանջանյանի և զինվորական նախարար Ռ. Տեր-Մինասյանի հետ: Ռուսաստանի ներկայացուցիչները հանդիպման ժամանակ նշում են, որ իրենց «միջնորդությունը կարող է ունենալ ռեալ հետևանքներ» միայն Հայաստանում ռուսական բանակի առկայության պայմաններում, որովհետև «Հայաստանի համար նա (Թուրքիան—Կ. Խ.) Ռուսաստանի հետ չի պատերազմի»,—եզրակացնում է Լեգրանը: Մղիվանին իր հերթին ավելացնում է. «Վերջապես հարկավոր է դա գիտակցել և անմիջապես ընդունել խորհրդայնացումը», ինչը կփրկի հայ ժողովրդին «վերջնական ոչնչացումից»: Փոխարենը նրանք խոստանում են Հայաստանի 1914 թ. սահմանների վերականգնում⁴²:

Սա, փաստորեն, Հայաստանի խաղաղ խորհրդայնացման առաջարկապահանջ էր: Ընկնելով քեմալախորհրդային ռազմադիվանագիտական ուժգին ճնշման տակ, Հայաստանի իշխանություններն իրենց հերթին ձգտում էին հայ-ռուսական և հայ-թուրքական բանակցությունների միջոցով ելք գտնել դժվարին կացությունից: Բայց սա արդեն 1920 թ. ամառը չէր, երբ Հայաստանի թե՛ քաղաքական և թե՛ ռազմական դրությունը համեմատաբար կայուն էր, ժամանակն անվերադարձ կորսված էր. թուրքական զորքերն իրենց մահաբեր ներխուժման սպառնալիքի տակ էին պահում Հայաստանի սիրտը՝ Սրաբատյան դաշտավայրը, վերջնականապես երես էր թեքել «քաղաքակիրթ Նվրոպան»՝ միշտ պատրաստ Բաքվի նավթի և սև-ծովյան նեղուցների համար զոհաբերել ամբողջ հայ ժողովրդին, Ռուսաստանն էլ, մի կողմ թողնելով Հայաստանի հետ անարդյունք բանակցությունների քաղաքականությունը, անցել էր «վճռական գործողությունների»:

Քեմալականների հաղթական երթը Հայաստանով չէր կարող շանհանգստացնել խորհրդային իշխանություններին, նրանց մեջ մեծ էր այն մտավախությունը, որ «թուրքերը խորամանկում են և հետապնդում իրենց սեփական նպատակները»,—1920 թ. նոյեմբերին Ստալինը հաղորդում էր Մոսկվա՝ Զիլբերինին և Լենինին: Վ. Լենինին հղած մի այլ հեռագրում նա նշում էր նաև, որ թուրքերը չձգտում են ունենալ ընդհանուր սահման Ադրբեյջանի հետ»⁴³:

³⁹ Տե՛ս Ե. Սարգսյան, Դավադիր գործարք. Հայաստան-Ռուսաստան-Թուրքիա, Ե., 1994, էջ 170—171:

⁴⁰ Հայաստանը միջազգային դիվանագիտության... փաստաթղթերում, էջ 458—459:

⁴¹ Нагорный Карабах в 1918—1923 гг., с. 598—599.

⁴² Տե՛ս Բանբեր Հայաստանի արխիվների, Կ., 1967, № 3, էջ 85—92:

⁴³ ՀՀ ԶԲԿ ԿՊԱ, հավաքածու № 1, դ. 2, թ. 135, 150:

Իրադարձությունների նման զարգացումը կանխելու համար ՌԿ(Բ)Կ Կենտկոմի Կովկասյան բյուրոյի քարտուղար Գ. Օրջոնիկիձեն հայտնում է Ստալինին իր, ՀԿ(Բ)Կ Կենտկոմի և Ադրբեջանի Հեղկոմի նախագահ Ն. Նարիմանովի ընդհանուր կարծիքը. «Այլևս չսպասել և անմիջապես սեպաձև խրվել (թուրքերի և Ադրբեջանի միջև—Կ. խ.)», ավելացնելով, որ դա «միաժամանակ կարագացնի հաջորդ օպերացիայի նախապատրաստումը (խոսքը Հայաստանի խորհրդայնացման մասին է—Կ. խ.)»։ Ստալինը խորհուրդ է տալիս «գեռ մի փոքր հետաձգել» և սկսել «այն պահին, երբ մենք հնարավորություն կունենանք իրականացնել առաջին ու նրանից անմիջապես հետո և երկրորդ (Հայաստանի խորհրդայնացման—Կ. խ.) օպերացիան»։ Հրահանգավորելով Օրջոնիկիձենին՝ «առաջիմ պատրաստել հեղկոմը, որպեսզի այն գտնվի գործերում», Ստալինը նշում է, որ ինքը պետք է խոսի «ժեներուկի (լենինի—Կ. խ.) հետ»⁴⁴։

Տեղեկանալով Ստալինից այդ ամենի մասին, Վ. Լենինը պատասխանում է, որ «առանց քաղբյուրոյի գումարման ինքը չի կարող որևէ պատասխան տալ», նա առաջարկում է Ստալինին՝ կամ գործել իրեն տրված լիազորությունների հիման վրա, կամ էլ անձամբ վերադառնալ Մոսկվա՝ «Կովկասյան հարցն ամբողջությամբ լուծելու համար»։ Ստալինը նախընտրում է վերջին տարբերակը և, տալով Օրջոնիկիձենին «նախապատրաստական աշխատանք վարելու և Մոսկվայից կարգադրություններ սպասելու հանձնարարական», ուղևորվում է Մոսկվա⁴⁵։ 1920 թ. նոյեմբերի 27-ին ՌԿ(Բ)Կ Կենտկոմի քաղբյուրոյում Ստալինը հանդես է գալիս Կովկասի դրուժյան մասին զեկուցումով։ Նույն օրը քաղբյուրոյի ընդունած որոշման մեջ, որի նախագիծը գրել էր նիստը նախագահող Վ. Լենինը, նշվում էր. «Ո՛չ Վրաստանի, ո՛չ Հայաստանի, ո՛չ Պարսկաստանի վրա արշավելու խնդիր չգնել»⁴⁶։ Սակայն, չսպասելով Մոսկվայի կարգադրություններին, արդեն նոյեմբերի 25-ին 11-րդ Կարմիր քանակի Ռազմահեղափոխական խորհրդի և Հայհեղկոմի միջև ձեռք է բերվում համաձայնություն, ըստ որի, 20-րդ դիվիզիայի հրամանատարությունն առաջարկվում է առանց հապաղելու շարժել 60-րդ բրիգադան Դիլիջան և այնտեղից՝ Երևան⁴⁷։

Զգտնելով տպավորություն ստեղծել, որ Հայաստանը խորհրդայնացվում է միմիայն հայ ժողովրդի ցանկությամբ և Հայհեղկոմի ուժերով, խորհրդային իշխանությունները վերջինիս տրամադրության տակ են դնում Կարմիր քանակի շարքերից առանձնացված «Հատուկ խնդիր ունեցող գունդ (Հակակապ)»՝ «վերջին քաղաքական դիրքկտիվների համաձայն օգտագործելու համար»⁴⁸։ Վերջինիս ուղեկցությամբ էլ ՌԿ(Բ)Կ Կովկասյան բյուրոյի կազմած Հայաստանի Ռազմահեղափոխական կոմիտեն, Ս. Կասյանի նախագահությամբ, 1920 թ. նոյեմբերի 29-ին Ադրբեջանից մտնում է Իջևան և «Հայաստանի ապստամբ աշխատավոր ժողովրդի կամքով ու ցանկությամբ» երկիրը հռչակում խորհրդային հանրապետություն⁴⁹։ Իրականում, Հայաստանը հռչակվում էր խորհրդային ոչ թե «ժողովրդի կամքով ու ցանկությամբ» և նրա կողմից իբր թե բարձրացրած ապստամբության, այլ՝ միայն Հայաստանի կոմունիստական կուսակցության և Հայհեղկոմի անունից։

Նոյեմբերի 30-ին Հայհեղկոմի անդամ Ավիս Նուրիջանյանը տեղեկացնում էր Գ. Օրջոնիկիձենին. «Մեր ժամանելը (հեղկոմի և Կարմիր քանակի մուտքը Հայաստան—Կ. խ.) ճիշտ ժամանակին էր, որովհետև կազմակերպված գյուղացիները պետք է ապստամբեն հաջորդ օրը (նոյեմբերի

44 Նույն տեղում, թ. 144—147։

45 Նույն տեղում, թ. 148—151։

46 22 ՀԺԿ ԿՊԱ, ֆ. 4050, ց. 1, գ. 6, թ. 1։

47 Նույն տեղում, ֆ. 1022, ց. 8, դ. 330, թ. 1։

48 Հոկտեմբերյան Մոցիալիստական Մեծ ռեպլյուցիան... Հայաստանում, էջ 400։

49 Հեղափոխական կոմիտեները Հայաստանում, Ե., 1974, էջ 27։

30-ին—4. Խ.), մի խումբ ընկերների գլխավորությամբ, որոնց մեկը նախօրոք ուղարկել էինք այդ շրջան՝ անլիզալ աշխատանքի»։ Նա նշում է նաև, որ «ամեն ինչ վերցվում է հաշվառման։ Ամեն ինչի համար վճարվում է», խորհուրդ է տալիս «փողը չափսոսալ»⁵⁰։

Նոյեմբերի 30-ին Հայհեղկոմը ողջունի հեռագիր է հղում Վ. Լենինին և դարձյալ «Հայաստանի բոլոր բանվորների և գյուղացիների անունից» խնդրում Կարմիր բանակի օգնությունը⁵¹։

Մինչ Մոսկվան երկմտում էր բանակը Հայաստան մտցնելու հարցում, Գ. Օրջոնիկիձեի թույլտվությամբ այն արդեն Հայաստանում էր։ Նոյեմբերի 30-ին Օրջոնիկիձեն հաղորդում է 11-րդ բանակի 20-րդ դիվիզիայի հրամանատար Մ. Վելիկանովին. «Զմոռանաք առաջ շարժվել Ղաթաքիլիսայի (Վանաձոր) կողմը և գրավել, եթե, իհարկե, այն չի գրավվում թուրքերի կողմից։ Մեր զորքերի հանդիպումը թուրքերի հետ կազմակերպեք հանդիսավորությամբ»։ Վելիկանովից և Հայաստանի Ռադմհեղկոմի անդամներից Օրջոնիկիձեն պահանջում է նաև «թույլ չտալ կամայականության որևէ զրահորում», «չդիմել որևէ բռնությունների», «բնակչության հանդեպ լինել անուսման կոռեկտ, թույլ չտալ Հատուկ բաժնին և Արտակարգ հանձնաժողովին փչացնել գործը», «լինել զգույշ և միլիտն անգամ զգույշ»⁵²։ Սակայն, ինչպես նրան հայտնում են Հայհեղկոմի անդամները, բանակի երթը Հայաստանով հարթ չէր ընթանում, զորամասերի կողմից «թույլ են տրվում անթույլատրելի արարքներ։ Պարենի բացակայության պատճառով բանակը վերցնում է բնակչության բոլոր պաշարները»⁵³, նման դեպքերը բացառելու համար Օրջոնիկիձեն հրամայում է Վելիկանովին՝ այդպիսի զորամասերի հրամանատարներին «տեղն ու տեղը գնդակահարել» նշելով, որ նրանց «խուլիգանության համար պատասխանատու եք միայն դուք»։ Նա պահանջում է նաև մտածել բանակի մատակարարման մասին՝ առանց «բնակչությանը ծանրաբեռնելու»⁵⁴։

1920 թ. նոյեմբերի 30-ին տեղեկանալով Բ. Լեգրանից, որ «Հայաստանի հեղկոմը ոտք է դրել Հայաստան և ձեռնարկել նրա խորհրդայնացումը», իսկ Կարմիր բանակն էլ արդեն շարժվում է Հայաստանով, Հանրապետության կառավարությունը դեկտեմբերի 1-ին րնդունում է Բ. Լեգրանի՝ Հայաստանի խորհրդայնացման վերջնագիր-առաջարկությունը, դնելով «որոշ պայմաններ»⁵⁵։ Կառավարության լիազորությամբ նախարարներ Դրաստամատ Կանայանը (Դրոն) և Հ. Տերտեռյանը դեկտեմբերի 2-ին Երևանում Բ. Լեգրանի հետ ստորագրում են հայ-ռուսական համաձայնագիր, որով Հայաստանը «հայտարարվում է անկախ Սոցիալիստական խորհրդային Հանրապետություն», իսկ իշխանությունը, «մինչև Ուղմհեղկոմի ժամանումը Երևան, անցնում է զինվորական հրամանատարությանը՝ Դրոյի և ՌՍՖՍՀ կոմիսար Օ. Միլինի ղեկավարությամբ»⁵⁶։ Վերջիններս էլ, հիմք ընդունելով հսկայական զորքեր, նույն օրը ստորագրում են «Հայաստանը խորհրդային հանրապետություն հայտարարելու մասին» հրամանը⁵⁷։

1920 թ. դեկտեմբերի 2-ին ստանալով Հայաստանը խորհրդային հայտարարելու մասին Բ. Լեգրանի հեռագիրը, Գ. Օրջոնիկիձեն շտապում է հայտնել Մոսկվա՝ Վ. Լենինին, Հայաստանում խորհրդային իշխանության

⁵⁰ ՀՀ ԶԳՖ ԿՊԱ, ֆ. 1022, ց. 5, գ. 367, թ. 1։

⁵¹ Հեղափոխական կոմիտեները Հայաստանում, էջ 31—32։

⁵² ՀՀ ԶԳՖ ԿՊԱ, ֆ. 1022, ց. 5, գ. 367, թ. 3—4։

⁵³ Նույն տեղում, թ. 8։

⁵⁴ Նույն տեղում, թ. 11։

⁵⁵ Նույն տեղում, ֆ. 1022, ց. 3, դ. 272, թ. 42, թ. 44։

⁵⁶ Сборник действующих договоров, М., 1922, с. 14—15։

⁵⁷ Հրամանը մտցվեց ՀՍՖՍՀ ղեկընտնելի և հրամանների ժողովածու (պրակ. 1, էջմիածին, 1921, էջ 5), բայց հետագայում հանվեց անտեղից։

հաղթանակի մասին և առաջարկում է Ուսաստանի կառավարությանը «Հեղկոմի հրավերի Կսմաձայն պաշտոնապես թույլատրել Կարմիր բանակի զորամասերը մտցնել Հայաստան (մինչդեռ, ինչպես նշել ենք, նրանք արդեն գտնվում էին Հայաստանում—Կ. Խ.)»⁵⁸, 1920 թ. դեկտեմբերի 3-ին Ուկ(բ)Կ Կենտկոմի քաղբյուրոյի հանձնարարությամբ Ի. Ստալինը հայտնում է Բաքու՝ Օրջոնիկիձեին, որ թույլատրվում է Կարմիր բանակի զորամասերը մտցնել Հայաստան⁵⁹:

1920 թ. դեկտեմբերի 2-ի հայ-ռուսական համաձայնագիրը Հայհեղկոմի սրտովը չէր, և համաձայն չէր ստվերում մնալ, այլ ձգտում էր Հայաստանի խորհրդայնացման դափնինները ամբողջովին վերագրել իրեն: Հեղկոմի նախագահ Ս. Կասյանը դեկտեմբերի 3-ին Լեզրանի հետ կայացած հեռագրաղրույցում մատնանշում է, որ «ոչ թե Դրոն, այլ Հայաստանի հեղկոմն է Հայաստանը հռչակել անկախ սոցիալիստական խորհրդային հանրապետություն» և դրանից ելնելով պետք է «անվավեր ճանաչվի և Ձեր համաձայնությունը Դրոյի հետ»⁶⁰: Լեզրանը նրան պատասխանում է, որ «դա ամենևին չի փոխում իրավիճակը և ոչ ոք իրավունք չունի չեղյալ հայտարարել իմ կողմից ստորագրված համաձայնագիրը»⁶¹: «Լեզրանի վիճակը հասկանալի է,—հաղորդում էր Մոսկվա Գ. Օրջոնիկիձեին,—նա չափից ավելին է խոստացել հին հայկական կառավարությանը»⁶²:

Թեև Հայհեղկոմը «անվավեր ճանաչեց» Երևանի հայ-ռուսական համաձայնագիրը, սակայն նրա նշանակությունը թերագնահատել չի կարելի: Ներքաղաքական տեսակետից դա արտահայտվում էր նրանում, որ Հայաստանի կառավարությունը առանց որևէ դիմադրության կամ բռնության հեռանում էր իշխանությունից: Դրանով իսկ կանխվում էին դեպի Երևան շարժվող Հայհեղկոմի և Կարմիր բանակի հնարավոր բախումները Հայաստանի բանակային և այլ զինված կազմավորումների հետ: Վերջապես, երկիրը և ժողովուրդը հոգեբանորեն նախապատրաստվում էին խորհրդային զորքերի և նոր իշխանությունների գալու: Նման հաշտ մթնոլորտը պահպանելու և անգամ Հայաստանում վարչաձևի և իշխանությունների փոփոխման գործընթացին հանդիսավորություն հաղորդելու համար Հայհեղկոմին ընդառաջ ուղարկվում են ավտոմեքենաներ⁶³:

Մեծ էր դեկտեմբերի 2-ի Երևանի համաձայնագրի նշանակությունը նաև միջազգային արտաքին քաղաքական տեսակետից: Խորհրդային Ռուսաստանը և Հայաստանը դառնում էին դաշնակից պետություններ, իրավական հիմք էր նախապատրաստվում Հայաստանի տարածքում ՌՍՖՍՀ զինված ուժերի տեղակայման համար, ինչը կանխելու էր Հայաստանում գտնվող թուրքական բանակի հնարավոր առաջխաղացման դեռևս չվերացած վտանգը: Պատահական չէր, որ հայ-ռուսական «համաձայնագիրը թուրքիայի «հավանությունը» շարժանացավ»⁶⁴:

Հայ-ռուսական համաձայնագրի շուտափույթ ստորագրման դիվանագիտական քայլն իրավական հիմք և հնարավորություն տվեց խորհրդային իշխանություններին երբեկից չճանաչել համաձայնագրի ստորագրումից ընդամենը մի քանի ժամ անց Հայաստանի նախկին կառավարության լիազորած հայկական պատվիրակության կողմից Ալեքսանդրապոլում ստորագրված անօրինական հայ-թուրքական հաշտության պայմանագիրը, որով Հայաստանը ոչ միայն կորցնելու էր զգալի տարածքներ, այլ փաստորեն կրելու էր ներքին ինքնավարության որոշ սահմանափակումներ:

⁵⁸ Տճ՝ Ս. Մ. Պ. Աղայան, նշվ. աշխ., էջ 343:

⁵⁹ Տճ՝ նույն տեղում:

⁶⁰ ՀՀ ԶԳԿ ԿՊԱ, ֆ. 4033, ց. 2, գ. 1154, թ. 1:

⁶¹ Նույն տեղում, հավաքածու № 1, գ. 2, թ. 183:

⁶² Նույն տեղում, ֆ. 4033, ց. 2, գ. 1154, թ. 1:

⁶³ Հ. Ա. Ավետիսյան, Հայկական հարցը 1918 թվականին, Ե., 1997, էջ 353:

1920 թ. դեկտեմբերի 2-ի Ալեքսանդրապոլի անօրինական պայմանադիրն ուղղված էր ինչպես հայ աղդային շահերի, այնպես էլ խորհրդային Ռուսաստանի դեմ և միայն Երևանի հայ-ռուսական համաձայնագիրը և Հայաստանի խորհրդայնացումը հնարավորություն տվեցին աղատվել նրա չղթաներից և կործանարար հետևանքներից: Այս էր հայ-ռուսական համաձայնագրի այն ներքին և արտաքին քաղաքական նշանակությունը և անհրաժեշտությունը, որոնք, գուցե և գիտակցելով, ստիպված էր ընդունել առանց որևէ խոչընդոտի դեկտեմբերի 5-ին Երևան ժամանած Հայհեղկոմի նախագահ Ս. Կասյանը, խոստովանելով Գ. Օրջոնիկիձեին, որ «Երևանում համոզվեցի Լեհրանի տակտիկայի ճշտության մեջ»⁸⁴:

Այսպիսով, քաջալարուշիկյան ռազմադիվանագիտական ուժգին ճնշումների տակ դադարեց գոյություն ունենալ Հայաստանի Առաջին Հանրապետությունը, նրան փոխարինեց խորհրդային Հայաստանի Երկրորդ Հանրապետությունը: Ստեղծված միջադրային-քաղաքական բարդ իրավիճակում, համայնավարների որդեգրած արևելյան քաղաքականության, խորհրդաքեմալական համագործակցության պայմաններում Հայաստանի խորհրդայնացումն անխուսափելի էր:

АРМЕНИЯ В СФЕРЕ СОВЕТСКО-КЕМАЛИСТСКИХ ОТНОШЕНИЙ В 1920 ГОДУ

К. Г. ХАЧАТРЯН

Р е з ю м е

Восточная политика большевиков, основанная на сотрудничестве с кемалистской Турцией против западного империализма, требовала установления непосредственной связи между Россией и Турцией через Армению. Исходя из этого. Политбюро ЦК РКП (б) 31 июля 1920 г. принимает предложение Г. Чичерина о «необходимости советизации Армении» для осуществления «настоящего контакта с Турцией».

В середине сентября 1920 г. большевиками разрабатывается документ о советизации Армении путем кемалистского нашествия. а уже в конце сентября, опираясь на помощь и содействие Советской России, кемалисты развязывают турецко-армянскую войну, преследуя собственные пантюркистские цели: уничтожение Армении и стремление иметь общую границу с Азербайджаном.

Хотя большевики поддерживали кемалистов, но мириться с их захватническими целями в Закавказье не могли. В конце ноября—начале декабря 1920 г. 11-я Красная армия Советской России «вклинилась» между кемалистами и Азербайджаном, одновременно советизировав Армению и установив через нее прямую связь большевистской России с кемалистской Турцией.

⁸⁴ Տե՛ս Հայաստանում սովետական իշխանության ամրապնդման պատմության մի քանի հարցեր (1920—1922 թթ.), Ե., 1987, էջ 188—189.